

2 TESALONIKAFƆ

Kukue Nuəfə Ko Paulo Ləwɔni

Útə Tesalonikafə

¹ Mɔ, Paulo, ku Silvano ku Timoteo bo ləwɔni kukue komfo butə mi mba ni bo Boanto Onanto ku Bonamute Yesu Kristo eto bale lə Tesalonika.

² Bɔlɛ bɔtɔ minkə Boanto Onanto ku Bonamute Yesu Kristo eto diyuə ku lefonə lə disia ko mi.

Bɔlɛ Onanto Lekpakpa Bə Fe Nkpesiasia Lə Bokate Ko Bokpadi Bo Ókpadi Fə.

³ Mɔ bayimi, ele bə bɔsɔ Onanto ani lefe saa lə mi disi. Lə nyaso elɛkɛ bə bukato ola, kasɔ wə ani bə mi bofokanɔ lə busi bɔkɛ ale boso ku mi lelabi tsya lə difui lekpe enso. ⁴ Nyamfo eso boakpo mi diye sɛɛ lə mba lefo Onanto banɔ nti. Iyifo bo ləmɔ nya boatesə mi itsyise biɲyə kekleke lə mi bofo kanɔ əsuə nya benle otsyekle bokpe lə lefe nə eto lefe banle mi bulə kakpɔ mi ku kanyi ka benle bunyə eso.

⁵ Nyamfo lɛ bote nkə Onanto aakpo akpo lə kusutsyɔntsyo əsuə. Nya wuutə mi kəsiəko lə wə sekakediko kasɔ benle kanyi ka benle bunyə eso. ⁶ Onanto ebuyifo lesa nə lɛyɛ. Nya wuunə mba nle mi bulə kenke koto. ⁷ Nya wuutə nkə bo ku mi mba kenke nle kanyi bunyə lə buunyə ɔnwəkətsyəkɔ sɛɛ. Onanto ebuyifo nyamfo lə lefe nə Bonamute Yesu ku Onanto eto batɔnkpe nkpe asuale kplɛ lɔɔbɔ betsyi kato ku əsuəale. ⁸ Buunə betidi ba ləambu Onanto nya bámfo Bonamute Yesu Kristo eto Ditiki Sɛɛ banɔɔ, koto.

⁹ Nya Bonamute loola mə udunko lə wə ənəmi. Nya bəəmbunyə wə diyənde ku wə əsuəale. Nya wəotsyləsə mə ku mə ditsyəbi bua nəmə. ¹⁰ Asa nyamfo ebubə itə lə diyi kplɛ nə əsuə Yesu luusinkli ubə. Nya lə diyi nəmfo əsuəə, bafokanofɔ kenke ebutəkəko wə ku atesə eto əsə ku kudu. Nya miitsya əbəkɛ mə lenti, itsyise béfo wə Ditiki Sɛɛ nə bótɛyi mi mfó bənɔ.

¹¹ Nyamfo eso boato ola lə mi disi lefe saa nɛ. Nya boalɛ bo Onanto lekpakpa boə lə utə lə mi nkprəsiəsiə lə bokate ku mi bokpadi bo ókpadi mi. Nya lə wə əsuəale lə ɛwunsə ko mi lə itə mi nsusu sɛɛ bo lookpe mi nkɛale bə lesa saa nə biuyifo lə mi wə bofokanɔ esoo lə ibə itə kukɔnɔ.

¹² Bələ asa nyamfo bɔtɔ kətə mi ku lekpakpalɛlɛ bə lə babesə Bonamute Yesu Kristo eto diye kato ɛyɛ lə mi eso. Nya wuuntsya lə obesə mi diye kato lə wə ku Onanto eto kafoɛkpe eso.

2

Biəntə Lə Kuutsyua Saa Lə Ɔwɛ Mi Okpe.

¹ Mə bayimi, itsyi lə Bonamute Yesu Kristo eto businkli kəbə bio ku bo bəkɔ bɔtsyanko wə.

² Biəntə lə nyamfo lə ile mi nsusu nye ekpe mi bule, lə nnya banlɛ bótɛyi bə Bonamute eto dibəyi ébubə koko. Ɛtsyua biubu bə ébɔ lə Onanto eto kɛnyɛ buləkə kate nye bo asatete nye etiki nnya bówɔni bítə mi əsuə. ³ Biəntə lə kuutsyua saa lə ɔwue mi lə kusu saa əsuə kon. Itsyise Bonamute eto diyi nəmə əmbubə tɔ isu ese lefe nə usialetidi əmə lootaka uńyə lə Onanto əsuə nya obuale əmə ləəbə bɔtsylɔ lə ute

luuləkə əsuə ote. ⁴ Nya wootaka uńyə nkə lə uti Ləwɔnɔ Kenke eto əsuəale kusu lə ote nkə wə hã ni awɔnɔ kenke eto əsuəaletidi. Nya wootaka ubə usiə lə Onanto eto Disumuyo nya wuuyifo wə əsuə, fe wə ni Onanto.

⁵ Bíakloma biə lefe nə minke mi lə oflɔɔ, nteyi mi asa nyamfo kenke. ⁶ Fɛɛ lesatsyuə leeti asa nyamfo kusu nkə yəbə tɔ mɔmɔ. Nya mi kosate yi lesa nə ini. Nya obuəle əmə ebuləkə wə əsuə lekple lə wə lefe ayo. ⁷ Nya disiale eto asa nnya banle buyifo kakula kokoko efe ɛɛ bubə. Nya asa nnya luubə, əmbubə tɔ isu ese le fe nə Onanto diləkə nwə diti obusle əmə kusu. ⁸ Nya lə nyamfo eto kamaa, Onanto ebuləkə obuəle əmə ote. Nya lə lefe nə Bonamute Yesu luubə, wuufi wə kenyɛ eto ufiebi ku wə diyənde otonsə wə obiasə wə ditsyəbi kenke. ⁹ Usialetidi əmə bə ku Obonsam eto əsuəale, nya wuuyifo bidia eto ayanisa akpa akpaa ote. ¹⁰ Nya betidi ba kenke lɔɔyɛ lə nnya əsuə, ebonya kenkee, wɔɔyɛ lə disiale ku kɔwɛsu saa bə lə ɔwɛ mə okpe. Boonya itsyise bamfo Ditiki Sɛɛ nə Onanto lete mə bə bənyə nkpə banɔ. ¹¹ Nyamfo eso Onanto eboyani mə utə kawɛ eto ləwɔnɔ nə luutə bafɔ bidia banɔ. ¹² Lə kalosəkɔɔ, Onanto ebolo mə dikpi, itsyise bamfo Ditiki Sɛɛ nəmə banɔ. Bomu bənyə disuəyuə lə asa buayifoyifo əsuə.

Bińyà Kekleke.

¹³ Mɔ bayimi, ele bə bokasɔ Onanto ani lefe saa lə mi disi eso. Buyi boə woala mi sitinti. Mi ni betidi tute Onanto diləkə nkə binyə bofo. Úfi Ləwɔnɔ Kenke úflə mi abua úwi nya béfo

onukuale benc. ¹⁴ Nya eye læ bo Ditiki Sæ næmfo budi æsuæ, Onanto ákpadí mi nkæ bibæ befo diye fe kase Bonamute Yesu Kristo léfo. ¹⁵ Læ nyamfo esoo, mæ bayimi, bińyæ kekleke læ bekæbe onukuale eto asatete nnya bóte mi læ bo kukue ko bówæni ku etiki nnya búdi mi, bæle nya kæni kekleke.

¹⁶ Nyaso bæle bówunsæko bætæ ku lekpaakpalele itsyi læ Bonamute Yesu Kristo ku Boanto Onanto wæ laala bo, nya eye læ wæ lefonæ æsuæ ókpe bo nkæale nya útæ bo kusubebe tinti. ¹⁷ Bæle wæ lekpaakpa buænkæ, utæ mi æsuæale læ okpe mi utu wæ nkpe osa, bæ læ bidi etiki ku læ biyifo asa sæ lefe saa.

3

Bekloma Læ Bikato Ola Kætæ Onanto Læ Bo Disi.

¹ Læ kalosækæ, mæ bayimi, bekloma læ bikato ola kætæ Onanto læ bo disí, itæ bæ læ Bonamute eto Ditiki Sæ næmfo læ disænsæ disu nlebe ku dibu fe kase miítsya seka. ² Nya læ bætæ Boanto Onanto tsya biæ læ ulækæ bo utsyiko læ betidibua ku besialetidi eto ani æsuæ, itsyise inni betidi ba tã léfo Ditiki Sæ næ mæ bánæ. ³ Bonamute eyifo onukualetidi, uuńyæ mi kama, ookpe mi nkæale nya woobe mi bæ olo Obonsam æmbutækæ bo kato. ⁴ Bonamute ætæ bufi bo utu butækæ læ mi bæ bæle býe læ esu nya bote mi æsuæ, nya buyi boænkæ biofo buyifo læ nnya æsuæ enso. ⁵ Bæle Bonamute lekpaakpa bæ æsini mi ænæmi læ binyæ læ bete kase wæ, Kristo laakpe bo nkæale ku kase Onanto laala bo.

Binyæ Kekleke Itæ Keyifoyifoyifo.

⁶ Mɔ bayimi, bɔɛ mi kɔfi bokpe kekɛɛ lɛ Bonamute Yesu Kristo eto diye ɛsuɛ boɛ bilɛkɛ mi ɛsuɛ bitsyiko lɛ bayimi ba ni bafɛɛ nya banɛ buyifo lɛ bo asatete ɛsuɛ. ⁷ Mi kosate biyi kukɔnɔ biɛ ele bɛ biyifo keyifo fe kase buyifo, itsyise bɔenyifo sɛfɛɛ lefe nɛ bɔkɛ mi lenti. ⁸ Bɔamfo bɔwunsɛko itsyi lɛ kuutsyuɛ saa ofɛɛ bɛ bɔamfo kayo. Bomu bɔyifo keyifo kekɛɛ ketsye ku kakɔmi bɛ bo bobɛ mɛnyifo bitsyikɛ itɛ kuutsyuɛ saa. ⁹ Inni nnya kasɔ ni bɛnkɛ bumbɛ kusu boatɛyi mi bɛ bebe bo eso. Bomu bɔla boɛ bekase kase ele be beyifo keyifo. ¹⁰ Biokɛɛɛ biɛ lefe nɛ bɔkɛ mi lenti, bɔkpe mi kɔfi boɛnkɛ utidi wɛ ke laani nkɛ woɛmbuyifo keyifoo, mendi tsya.

¹¹ Bɔɛ mi nyamfo bɔtɛyi itsyise bɔɛ bɔnɔ boɛ bafɛɛ bɔtsyuɛ kpe mi lenti nya ini mɛ bayimitsyuɛ eto ketikima hɛ te baayɛ kedi. ¹² Bɔninko betidi bamfo ditsyɛbi nɛmfo kekɛɛ lɛ Bonamute Yesu Kristo eto diye ɛsuɛ, bɛ lɛ balɛ mɛ ɛsuɛ kukɔnɔ lɛ be fi mɛ ani beyifo keyifo bedi.

¹³ Fɛɛ mii, bayimi, biɛntɛ lɛ ani lɛ elo mi lɛ lesa sɛɛ buyifo ɛsuɛ. ¹⁴ Nya lɛ utsyuɛ nkɛ woɛmbuyifo lɛ ditiki nɛ bɔtɛyi mi lɛ kukue ko mfoo, bitsyɛ wɛ lekpo nya lɛ bilɛkɛ wɛ lɛ mi nti, lɛ kofami lɛ kɔɛ wɛ. ¹⁵ Tsyaa bienkisi utidi ɛmɛ. Bomu ele bɛ belɛ wɛ kɔɛ fe mi ɔyimi seka.

Bɔɛ Mi Bokla.

¹⁶ Bɔɛ Bonamute kosate wɛ lɛtɛɛ diyuɛsɛ lekɛpakpa bɔɛ bɛ lɛ utɛ mi kɛmiɛ eto diyuɛsɛ lɛ mi lɛ kusu saa ɛsuɛ. Lɛ Bonamute lɛ ɔɛ mimblɛ kenke ola.

¹⁷ Mɔ, Paulo, kosate uni nɛ etiki fɛfɛ nye nkla bomfo bɔwɔni kɛtɛ mi ku mɔ kɔni. Iyifo mɔ kosate eto lenimi eto awɔniɛa fe kase maawɔni kakpe lɛ mɔ kukuewɔniwɔni saa kalɔ.

¹⁸ Bɔlɛ ola boto bɔɛ Bonamute Yesu Kristo lɛ ɔlɛ mi mblɛ kenke ola lɛ wɛ lefonɛ ɛsuɛ.

Onanto eto kakle fɔfɔ; Sɛkpɛle
Sekpele: Onanto eto kakle fɔfɔ; Sɛkpɛle New
Testament

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd